

Dževad Rađo  
Zastupnik SBB BIH

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO  
n/r Vlade Kantona Sarajevo  
n/r Ministarstva komunalne privrede i infrastrukture Kantona Sarajevo  
Sarajevo, 15.11.2017.godina

## ZASTUPNIČKA INICIJATIVA

Prije skoro osam mjeseci uputio sam inicijativu prema Vladi KS, a koja se tiče Uredbe o opštim uslovima za proizvodnju, isporuku i korištenje toplotne energije Vlade Kantona Sarajevo. Na 31.Radnoj sjednici Skupštine KS sam ponovio navedenu inicijativu te zahtjevao da mi se odgovori na istu u što kraćem roku, ali odgovora do danas nisam dobio.

Tražim da mi se kaže usmeno zašto do danas nisam dobio odgovor, te tražim da mi se odgovorena inicijativa dostavi u pisanom obliku u što kraćem roku. U prilogu dostavljam inicijativu, kao i obrazloženje iste :

Na osnovu Uredbe o opštim uslovima za proizvodnju, isporuku i korištenje toplotne energije Vlade Kantona Sarajevo podnosim inicijativu za dopunu člana 22. tačka 3. Korisnik usluge koji je isključen iz centralnog toplifikacionog sistema, obavezan je redovno plaćati fiksne troškove u skladu sa tarifnim sistemom.

**Prijedlog dopune:** umjesto tačke staviti zarez pa slijedi dopuna : *osim predratnih korisnika čiji su stanovi u toku agresije BiH granatirani (devastirani), te su zbog tih uslova isključeni a imaju validni pisani dokaz.*

**Obrazloženje:** Jedan od građana KS obratio nam se za pomoć i tumačenje navedne Uredbe. Građanin Avdo Gušić je penzioner, njegov stan tokom agresije je devastiran, te od rata nije u sistemu Toplana uz pismenu saglasnost iste, ali od primjene ove Uredbe mora da plaća Toplanama 44.55 KM od svoje skromne penzije. U prilogu je dostavljena saglasnost Toplana iz 1999.godine o odobrenju isključenja grijanja, te je rečeno da mu od tada ne treba ispostavljati račune. Također ne postoji ni takozvano indirektno zagrijavanje jer stanovi koji dijele zajednički betonski zid također ne koriste energiju Toplana, dva su isključena zbog duga, a jedan je u ratu također bio totalno devastiran te vlasnik živi u inostranstvu i ponekad kratko boravi u stanu isključivo u ljetnom periodu. Članom 16. Uredbe daje se mogućnost izdvajanja iz sistema toplotne energije kada nastupe druge okolnosti za prestanak ugovora. Ovaj slučaj i jednog broja sarajlija je specifičan, jer su doživjeli granatiranje stana koji je postao agresijom devastiran te su dobili dozvolu Toplana o izdvajanju iz sistema toplotnog grijanja krovne kotlovnice. Zbog niske penzije Avdo je izabrao povoljniji energent na tržištu (plin, struju) u ulazu zgrade postojale su odgovarajuće instalacije, nije bilo tehničkih smetnji, u skladu sa Zakonom o komunalnim djelatnostima sklopio je validan ugovor o isporuci energenata. Ispostavljanjem računa za fiksne troškove Avdo Gušić smatra da su mu povrijeđena prava po više osnova počevši od Zakona o obligacijama, Zakona o zaštiti potrošača i Zakona o konkurenciji.

**PODNOŠILAC INICIJATIVE**

mr. Dževad Rađo